



Kiel, 28. November 2016

Nr. 279 /2016

Martin Habersaat und Birte Pauls:

De Swoorpunkt liggt op de Billen

Martin Habersaat, bildungspolitischer Sprecher der SPD-Landtagsfraktion, und Birte Pauls, Vorsitzende des AK Bildung im Beirat Niederdeutsch, legen eine „Leistungsbilanz Niederdeutsch“ vor:

De Landsregeren ünner Heide Simonis (SPD) harr seggt, se weer inverstahn mit dat Verlangen vun de Plattdüütschen, ehr Spraak **ünner dat Dack vun de Landsverfaten un de Europäasche Charta** för Regional- oder Minnerheitenspraken zu stellen.

Üm op düssen Grund to buen, hett de Landsregeren ünner Torsten Albig (SPD) **enen Handlungsplaan Sprakenpolitik** maakt. Dor finnt man ok, wat de Plattdüütschen verlangt hebbt. De Swoorpunkt liggt op de Billen. Na den Handlungsplaan schall „**Plattdüütsch in’n ganzen Billensweg vun de Kinnerdaagssteed bet to de Hoochschool verankert**“ warrn. Goot is dat ok, dat Torsten Albig Plattdüütsch wedder in’t Opgavenflach vun de Minnerheitenbeopdrage opnahmen hett. Wi bedankt uns bi Renate Schnack, de as Beopdraagte vun’n Ministerpräsidenten engageert för Däänsch, Freesch un Plattdüütsch arbeitet. Se hett so männicheen Vörslag an’t Parlament geven.

In düsse Legislaturperiod kunnen wi al en paar Saken ümsetten:

1. To’t Schooljohr 2014/2015 is en **Modellprojekt** in 27 Grundscholen mit twee Weken-stunnen in’t Fach Nedderdüütsch anfangen worrn. Intwüschend sünd dat al **29 Scholen**. An’t Enn warrt hier de Klassen 1 bet 4 düssen Ünnerricht op Frömdsprakenniveau kriegen. Aktuell warrt al 1600 Kinner över dü’t Modellvörhebben beschoolt, dat ja en anwassen Modell is.
2. As Grundlaag för den regulären Ünnerricht is en **Leidfaden för den Nedderdüütschünnericht an Grundscholen in Sleswig-Holsteen** formuleert worrn.
3. En Expertengrupp hett en **Lehrwark „Paul un Emma“** för den systemaatschen Grundschoolünnerricht **in de eerste un tweete Klasse** buut.

Herausgeber

SPD-Landtagsfraktion
Landeshaus
Postfach 7121, 24171 Kiel

Verantwortlich:
Petra Bräutigam

Telefon Pressestelle 0431-988-13 05
Fax Pressestelle 0431-988-13 08

E-Mail pressestelle@spd.ltsh.de
Web spd.ltsh.de

4. De Autoren vun't Lehrwark „Paul un Emma“ hebbt bamento en **Lehrerhölp** („Handreichung“) **to dat Lehrwark** utarbeidt. Dat Institut för Qualitätsverbetern an Scholen Sleswig-Holsteen (IQSH) hett de nödige Technik praatstellt.
5. Ok sünd finantschelle Mittel praatstellt worrn, üm so'n **Lehrbook ok för de drütten un veerten Klassen** uttoarbeiten. Bi düt Projekt hett de Europa-Universität Flensburg dat Leid in de Hand.
6. Geld is togeven worrn för **Bökerkisten** an de Modellscholen und annere Grundscholen, de noch buten dat Modellprojekt Plattdüütschünnericht geven doot.
7. In de Europa-Universität Flensburg, wo der Swoorpunkt vun de Lehrerutbillen liggt, is in't Seminar för Germanistik en **Afdelen Nedderdüütsche Spraak un Literatur** as egenständige Organisatschoonseenheit inricht worrn. Se is mit en **Honororprofessur** un en **Lehrkraft för besünnere Opgaven för Nedderdüütsche Spraak un Kultur un ok Organisatschoon in't Lehrfach Nedderdüütsch** besett. För de Studentinnen un Studenten is Nedderdüütsch **in't Bachelor- un Masterstudium** dorbi.
8. Dat IQSH hett wiederhen enen Landsfachberader för Nedderdüütsch. Bamento hett dat IQSH de **Koordinatschoon vun de Regional- un Minnerheitenspraken an de Scholen** kregen. **Jede Düütschlehrkraft in Ubillen** mutt en Modul **Nedderdüütsch** afsolveren. Dat Zentrum för Nedderdüütsch in'n Landsdeel Holsteen in Mölln is dat IQSH towiest worrn. Dat Zentrum för Nedderdüütsch in'n Landsdeel Sleswig in Leck büdd **Zertifikatskursen för Multiplikaters in Scholen un Kinnerdaagssteden**. Wat ünnericht warrt, reckt vun Spraakgeschiedt över Woortschatt un Grammatik bet hen to Didaktik un praktisch Arbeiten. Mit de Stellenutschrieven för't Wedderbesetten vun't Zentrum in Mölln sünd dat eerste Mal **Standards för beide Nedderdüütschzentren** fastleggt worrn: Instellkriterium de plattdüütsche Spraak beherrschen in Woort un Schrift, Beschrieven wohen de Arbeit gahn schall un wat man leisten schall.
9. För dat **Digitaliseren vun en plattdüütsche Grammatik** hett de Ministerpräsident Geld togeven.
10. Ok för dat **Digitaliseren vun de SASS Plattdüütschen Rechtschrievregeln** geev dat en Finanzhölp vun'n Ministerpräsidenten.
11. Un de **Opbu vun en plattdüütschen Online-Wöörterbook** is mit en Finanzsprütt vun'n Ministerpräsidenten möglich worrn.

12. Na enen Vörslag vun de Minnerheiten- un Plattdüütschbeopdragte vun'n Ministerpräsidenten is Plattdüütsch starker **in de Verfatun verankert** worrn. Dor heet dat nu ok noch: **„Das Land schuult und föddert... Nedderdüütschünnericht an öffentliche Scholen.“**
 13. Nedderdüütsch is in't **Lehrkräftbillensgesetz** verankert worrn, wo dat nu heet: „... ok de **Bedüden vun't Nedderdüütsche för dat Land Sleswig-Holsteen is as besünnere Anforderung intobetrecken.**“
 14. Plattdüütsch is in't ännerte **KiTa-Gesett** starker maakt worrn, denn **ok Regional- un Minnerheitenspraken schüllt in KiTas ehren passlichen Platz finnen.**
 15. Bi't Bemöhen, den Stand vun de Regional- un Minnerheitenspraken in all de Medien to verbetern, hett Sleswig-Holsteen, as de **ZDF-Feernsehraat** nie besett warrn müsst, **enen gemeinsamen Platz för de Dänen, Fresen un Plattdüütschen** inricht.
 16. Na dat ännerte Landsverwaltensgesetz köönt Börgerinnen un Börgers sik **mit de chartaschuulten Regional- un Minnerheitenspraken Däänsch, Freesch un Plattdüütsch an de Verwalten wennen** un bruukt eventuell nödige Kosten för't Översetten nich övernehmen.
 17. De Landsregeren hett in ehr zentral Personalmanagement bi dat, wat dat Personal können schull, ok de chartaschuulten Spraken **Däänsch, Freesch oder Plattdüütsch** opnahmen.
- Wi müchen, dat wi wiedermaken köönt, den Handlungsplan ümtosetten, t.B. den Nedderdüütschünnericht an 10 Modellschulen in't Sekundorrebeet inföhren un Nedderdüütsch as en richtig Schoolfach utwiesen.